



NOTA PENERANGAN  
BORANG PENYATA  
PENDAPATAN DAN  
TAKSIRAN ZAKAT  
2017

## NOTA PENERANGAN BPPTZ 2017

| <b>KOMPONEN PENDAPATAN</b>  |                         |
|---|-------------------------|
| <b>A1</b>   | <b>HASIL PENGAJIAN</b>  |
| <p>Segala pendapatan yang diperoleh seseorang daripada majikannya hasil daripada usaha atau pekerjaan yang dilakukan untuk majikannya sama ada semasa berkhidmat, selepas berkhidmat atau selepas kematiannya (pencen terbitan) seperti : Gaji, Upah, Bonus, Tuntutan kerja lebih masa, Gratuiti, Pampasan, Pencen, Hadiah, Anugerah dan Insentif, Skim Pilihan Saham Pekerja (ESOS), Apa-apa yang bersumberkan perkhidmatan atau pengajian.</p> <p>Adapun pendapatan yang tidak dikenakan zakat seperti berikut: Tuntutan lojing, Tuntutan ke luar negara, Tuntutan keraian, Tuntutan perbatuan, Apa-apa tuntutan yang menggunakan pendahuluan wang pekerja. Ini ialah kerana ia sebagai ganti pendahuluan kos yang terpaksa ditanggung oleh individu dalam menjalankan tugas atau kerja yang dilakukan. Pendahuluan tersebut sudah termasuk di dalam pengiraan zakat pendapatan.</p> <p>Selain itu, apa juga elaun yang dibayar kepada pekerja yang tidak digunakan adalah termasuk dalam pendapatan yang dikenakan zakat.</p>                      |                         |
| <b>A2</b>   | <b>HASIL BEBAS</b>      |
| <p>Segala pendapatan yang diperoleh seseorang hasil daripada pekerjaan yang dilakukan atas usaha sendiri tanpa ada kaitan dengan pihak lain dalam bentuk kerja bebas atau perkhidmatan professional secara upah, bayaran, imbuhan, royalti, komisen dan sebagainya seperti : Bayaran yang diterima sebagai perkhidmatan konsultasi professional, Bayaran yang diterima oleh peguam atas khidmat guaman yang diberikan, Bayaran yang diterima arkitek atas khidmat yang diberikan, Bayaran yang diterima doktor klinik swasta atas rawatan yang diberikan, Bayaran projek yang diterima oleh kontraktor, Keuntungan projek bermusim, Komisen dan pendapatan sisa (residual income) – pendapatan dari jualan insurans, takaful, “unit trust”, broker dan seumpamanya, Bayaran royalti atau komisen yang diterima hasil penulisan, penerbitan, aktiviti seni dan sebagainya. Hasil tunai sekali-sekala seperti wang takaful matang dan pembiayaan semula aset, Bayaran-bayaran lain yang diterima atas perkhidmatan yang diberikan seumpama di atas.</p> |                         |
| <b>A3</b>   | <b>HASIL ASET TETAP</b> |
| <p>Harta yang tetap induknya tetapi boleh berkembang dengan mendatangkan pendapatan melalui sewaan atau jualan hasilnya” seperti : Hasil sewaan rumah, bangunan, kilang, premis perniagaan dan sebagainya, Hasil sewaan kenderaan atau pengangkutan, Hasil sewaan peralatan, aset atau sebagainya. Hasil jualan apa-apa yang dikeluarkan oleh binatang seperti susu, telur, madu dan sebagainya,</p> <p>Semua perusahaan pengangkutan yang digunakan untuk mendapatkan keuntungan, Ciptaan dan Harta Interlek yang disewakan seperti hak cipta, paten, cap dagangan, reka cipta perindustrian dan seumpamanya, Perusahaan ternakan yang induk betina tidak dijual, Perusahaan pertanian kekal seperti getah, kelapa sawit, durian dan sebagainya yang pokok dan tapaknya tidak dijual, Perusahaan lain yang aset tetapnya tidak dijual.</p>   |                         |

| <b>KOMPONEN PERBELANJAAN</b>  |  |
|---|--|
| <b>B1</b>   | <b>DIRI SENDIRI (Bujang @ Berkahwin)</b> |
| <p>(a) Ketua Keluarga :</p> <p>Pencari nafkah utama seperti Suami, Ibu tunggal, anak yang bekerja sekiranya ibubapa tidak berupaya.</p> <p>Tambahan :</p> <ul style="list-style-type: none"> <li>i. Bagi ISTERI yang menjadi pencari nafkah utama dalam keluarga adalah <b>LAYAK</b> mendapat tolakan untuk kategori B3 : Pasangan Tidak Bekerja (suami yang tidak berupaya). Untuk penjelasan lanjut sila rujuk Lampiran 1</li> <li>ii. Bagi Bujang (lelaki atau wanita) adalah <b>TIDAK LAYAK</b> mendapat tolakan untuk kategori B2, B3, B4 dan B5 : Pasangan Bekerja, Pasangan Tidak Bekerja, Anak 0-6 tahun dan Anak 7 tahun ke atas.</li> <li>iii. Bagi yang menanggung atau menyara Ibu bapa, pelepasan tambahan diberikan di Bahagian C : Komponen Perbelanjaan Lain (C1)</li> </ul> <p>(b) Isteri Bekerja</p> <p>Wanita berkahwin yang bekerja dan suaminya mempunyai pendapatan. Tolakan yang layak adalah sebanyak RM 6000.</p> <p>Tambahan :</p> <ul style="list-style-type: none"> <li>i. <b>TIDAK LAYAK</b> mendapat tolakan untuk kategori B2, B3, B4 dan B5 : Pasangan Bekerja, Pasangan Tidak bekerja, Anak 0-6 tahun dan Anak 7 tahun ke atas.</li> </ul> |  |
| <b>B2</b>   | <b>PASANGAN BEKERJA</b>                  |
| Isteri yang bekerja   |  |
| <b>B3</b>   | <b>PASANGAN TIDAK BEKERJA</b>            |
| <p>Isteri yang tidak bekerja</p> <p>Atau</p> <p>Suami yang tidak berupaya (tidak memiliki punca pendapatan)</p>   |  |
| <b>B4</b>   | <b>Anak 0-6 tahun</b>                    |
| Bersekolah serta dalam penjagaan dan pendidikan diuruskan oleh pihak lain atau tidak bersekolah serta mempunyai urusan penjagaan domestik.  |  |
| <b>B5</b>   | <b>Anak 7 tahun keatas</b>               |
| Bersekolah dan masih menerima pendidikan lanjutan atau tidak bersekolah dan tidak mempunyai pendapatan.   |  |

| <b>KOMPONEN PERBELANJAAN LAIN</b>  |  |
|--|--|
| <b>C1</b>  | <b>PELEPASAN / PEMBERIAN WAJIB KEPADA IBU BAPA</b>       |
| <p>Individu yang <b>LAYAK</b> menuntut pelepasan ini adalah anak kandung atau anak angkat yang sah di bawah undang-undang samada berkahwin atau bujang yang menanggung dan menyara kedua ibu bapanya. Manakala Nafkah atau wang yang diberi kepada kedua ibu bapa mestilah secara konsisten atau berterusan dalam tahun taksiran.</p> <p>Tambahan :</p> <p>Sekiranya jumlah yang diberikan tidak dapat dipastikan, maka jumlah minimum yang akan diambil kira sebagai kiraan. Sebagai contoh, pelbagai amaun diberi pada setiap bulan, jika tidak dapat dipastikan jumlahnya, maka amaun yang minimum akan diambil kira untuk kiraan tersebut.</p>   |  |
| <b>C2</b>  | <b>CARUMAN KWSP / LTAT</b>                               |
| <p>Individu yang mencarum caruman Kumpulan Wang Simpanan Pekerja (KWSP) atau Lembaga Tabung Angkatan Tentera (LTAT) dan seumpama dengannya <b>LAYAK</b> untuk membuat tolakan dalam kiraan Zakat Pendapatan kerana kedua-dua caruman tersebut akan dikenakan zakat secara berasingan (Zakat Wang Simpanan).</p>  |  |
| <b>C3</b>  | <b>CARUMAN DI INSTITUT YANG MEMBAYAR ZAKAT BAGI AHLI</b> |
| <p>Individu yang menyimpan atau mencarum di institusi yang telah membayar zakat bagi pihak penyimpan atau pencarum <b>LAYAK</b> untuk mendapat pelepasan dalam kiraan zakat pendapatan kerana simpanan atau caruman tersebut telah dibayar zakatnya.</p> <p>Sebagai contoh : Lembaga Tabung Haji, Koperasi-koperasi yang membayar zakat bagi ahlinya (sila dapatkan maklumat tersebut di koperasi masing-masing).</p>  |  |
| <b>C4</b>  | <b>TOLAKAN LAIN</b>                                      |
| <p>Terhad kepada item <b>PENJAGAAN KESIHATAN</b> sahaja iaitu perbelanjaan perubatan kronik termasuk kos rawatan. Pelepasan ini dibenarkan sebagai potongan hanya terhad kepada RM2,400 sahaja yang meliputi diri sendiri, keluarga dan ibu bapa (sekiranya di bawah tanggungan).</p> <p>Sebagai contoh :</p> <p>Perbelanjaan perubatan bagi penyakit yang sukar diubati termasuk rawatan dibuat ke atas penyakit seperti sindrom kurang daya tahan (AIDS), sindrom Parkinson, barah, penyakit buah pinggang, leukemia dan lain-lain penyakit yang serupa. 'Lain-lain penyakit yang serupa' termasuk serangan jantung, pulmonary hypertension, penyakit hati kronik, fulminant viral hepatitis, trauma kepala dengan defisit neurologikal, ketumbuhan otak dan kecacatan kepada pembuluh darah, melepuh dan melecur yang keterlaluan, pemindahan organ, pembedahan kaki dan / atau tangan.</p> |  |

| <b>TAKRIF HAD KIFAYAH</b> |  |
|---------------------------|--|
| <b>ISTILAH</b>            | Had al – Kifayah adalah kadar (keupayaan ekonomi) yang selayaknya bagi menjamin kelangsungan kehidupan seorang individu serta mereka yang di dalam tanggungannya. Ia bukan sekadar penentuan had minimum semata-mata tetapi ia menjangkau persoalan tahap yang selayaknya bagi memastikan kelangsungan kehidupan seseorang serta tanggungannya |

| <b>ITEM HAD KIFAYAH</b>   |                       |
|---|-----------------------|
| <b>1</b>  | <b>MAKANAN</b>        |
| <p><b>Penentuan item Makanan mengambil kira</b> makanan dan minuman yang diperlukan oleh seseorang individu bagi tujuan kelangsungan hidup dan berdasarkan keperluan kesihatannya. <b>Penentuan ini merangkumi</b> seseorang itu bukan hanya memerlukan nasi/beras (makanan ruji negara Malaysia) sahaja untuk makan, tetapi juga memerlukan makanan tambahan perlu seperti daging, ikan, sayuran, buah-buahan dan air. Set makanan yang lengkap adalah dituntut oleh Islam bagi membolehkan seseorang Islam itu mendapat nutrisi yang diperlukan oleh badannya yang menjadikannya sihat untuk melakukan ibadah kepada Allah.</p> |                       |
| <b>2</b>  | <b>PAKAIAN</b>        |
| <p><b>Penentuan item Pakaian mengambil kira</b> bahan keperluan bagi menutup aurat seseorang yang juga merupakan tuntutan agama. <b>Penentuan ini merangkumi</b> keperluan untuk mendapatkan pakaian yang mencukupi dan memenuhi fungsi yang ditentukan. Jenis pakaian asas adalah terdiri daripada baju, seluar dan kasut yang <b>bersesuaian dengan situasi dan pekerjaan masing-masing</b> tanpa berlebih-lebihan.</p>   |                       |
| <b>3</b>  | <b>RUMAH KEDIAMAN</b> |
| <p><b>Penentuan item Rumah mengambil kira</b> rumah <b>sebagai</b> tempat manusia berlindung untuk keselamatan dan keselesaan hidup. <b>Penentuan ini merangkumi</b> penyediaan sebuah rumah kediaman bagi semua ahli keluarga yang ditanggungnya. Jenis dan saiz rumah kediaman pula berdasarkan kepada keperluan seseorang atau sesebuah keluarga. <b>secara garis panduannya</b> adalah rumah yang mempunyai tidak kurang dari tiga bilik tidur dan beberapa bilik lain untuk kegunaan keluarga secara pembelian atau sewaan.</p>  |                       |
| <b>4</b>  | <b>UTILITI</b>        |
| <p><b>Penentuan item Utiliti mengambil kira penyediaan</b> keperluan asas serta perkhidmatannya bagi setiap kediaman yang perlu disediakan, Keperluan asas bagi setiap rumah pada masa ini ialah elektrik, air, gas memasak dan telefon. Pekara di atas dikategorikan sebagai utiliti. <b>Penentuan ini merangkumi keperluan</b> sesebuah keluarga, dan kos utility ini adalah berdasarkan saiz/ tanggungan yang tinggal di sesuatu kediaman tertentu bagi memenuhi keperluan hidup mereka.</p>   |                       |

|  |                            |
|--|----------------------------|
| <b>5</b>   | <b>PENGANGKUTAN</b>        |
| <p><b>Penentuan item Pengangkutan mengambil kira sebagai</b> pengangkutan ialah kenderaan sebagai keperluan yang digunakan bagi pergerakan dari rumah ke tempat kerja. Kenderaan digunakan bagi mendapatkan nafkah diri dan keluarga dan dalam konteks had kifayah, <b>penentuannya merangkumi</b> kos penggunaan minyak, penyelenggaraan dan cukai, sesuai dengan keperluan tanpa berlebih lebihan.</p>                                     |                            |
| <b>6</b>   | <b>PENJAGAAN KESIHATAN</b> |
| <p><b>Penentuan item Penjagaan Kesihatan mengambil kira</b> kos perubatan yang ditawarkan oleh klinik dan hospital kerajaan dan juga swasta untuk penyakit dan bentuk rawatan yang ringan termasuk juga penggunaan insuran rawatan perubatan. Penentuan ini juga merangkumi kos mendapatkan rawatan.</p>   |                            |
| <b>7</b>   | <b>PENDIDIKAN</b>          |
| <p><b>Penentuan item Pendidikan mengambil kira</b> sesebuah keluarga, peruntukan perbelanjaan persekolahan dan kos pembelajaran individu. <b>Keperluan merangkumi juga</b> meliputi pelbagai keperluan persekolahan bagi anak seperti pakaian sekolah (baju, seluar, kasut dan beg), alat tulis/buku, yuran sekolah, PIBG dan sumbangan lain, duit belanja harian, tambang bas sekolah(berdasarkan keperluan) termasuk juga kos tuisyen.</p> |                            |
| <b>8</b>   | <b>KOMUNIKASI</b>          |
| <p><b>Penentuan item Komunikasi mengambil kira kos</b> perhubungan menggunakan telefon mudah alih atau peranti berinternet yang menjadi keperluan masyarakat. <b>Penentuan</b> dalam kategori ini termasuk juga akses kepada internet kerana ia merupakan perkhidmatan yang merangkumi hampir setiap kategori keperluan hidup.</p>   |                            |
| <b>9</b>   | <b>SARAAN MODEN</b>        |
| <p>Maksud saraan moden ialah perbelanjaan khusus yang dibelanjakan oleh ketua keluarga kepada diri sendiri dan tanggungannya. Ini termasuklah perbelanjaan harian tambahan yang diperlukan oleh ketua keluarga/ suami isteri yang bekerja di luar. <b>Penentuan ini juga</b> mengambil kira kos perbelanjaan bagi sarapan dan makan tengahari dalam tempoh mereka bekerja dan perbelanjaan makan di luar bersama keluarga.</p>               |                            |